



#樂善堂陽光青年計劃 提提您，努力學習之餘，要記得有健康的生活習慣，至可以WORK HARD & PLAY HARD!

### 陽光校園週



2018

### 健康身心推廣日



### 新興運動體驗




### 大型聯校活動



### 領袖訓練



正能量青年  
領袖嘉許計劃



詳情請留意活動宣傳海報，亦可以向學校教學助理/副校長查詢，或者聯絡我地：



Like、follow我們的專頁 可知更多活動詳情

#記住放左學先like & follow



Sunshineyouth1st



2272 9858



九龍城龍崗道61號



樂善堂陽光青年計劃



6647 8047



# 撐住你



04  
第四期

## 想做暑期工， 但又驚中伏？



# 暑期工7大陷阱

就到暑假，同學計劃左咩活動呢？無論你為左收入、體驗社會定係「純粹試下」，相信做暑期工都係一個受歡迎嘅選擇。

但要小心騙徒利用同學入世未深，求工心切嘅心理，引誘青少年墮入以聘請暑期工為名、騙局為實嘅求職陷阱。

騙徒手法真係層出不窮，所以#陽光青年計劃為大家拆解7大暑期工求職陷阱，醒目嘅同學睇完之後應該都唔會中伏啦！

## 1 先俾錢，後出糧

<警訊>都成日講，明明係請你工作，但係就要你先俾入會費、培訓費？未出糧就要俾錢，隨時拎唔返。損失小則幾百蚊，多則十幾廿萬，唔洗考慮啦掛！

## 2 毋須經驗、低學歷、收入高

見到招聘廣告寫住「毋須經驗月薪萬八」，你以為執到寶？唔好咁天真啦！世界上邊有免費午餐？騙徒好大機會要你做一D非法行為，最後佢人間蒸發仲點搵返佢？

## 3 免費旅行，變跨境運毒

騙徒會用速遞員名義出招聘廣告、或者請你免費去旅行同運貨，但係運咩貨物，你知唔知？小心比人利用走私或者運送非法商品，尤其係毒品。跨境運毒係有D國家可能被判終身監禁，甚至死刑！絕對博唔過！



【暑期工陷阱】毋須經驗月薪萬八 帶貨運毒借貸乜都有



運毒暑期工 14歲仔為4千元販毒

星島日報 中二生搵快錢帶毒被捕




## 4 盜取個人資料

騙徒會利誘求職人士開設銀行戶口或公司，或者向求職人士套取重要的個人資料，例如身份證、銀行戶口同信用卡資料，然後利用戶口洗黑錢或假冒該求職人士，向銀行或財務機構申請借貸，咁你就要預起一身巨債。



## 5 見工簽約格外要留神

見工前應該先了解公司背景、業務、工作性質。如果有懷疑，就唔好出席。如果見工地點係M記、公園就更加要小心啦，萬一有咩損傷就唔好啦。而簽約時記得睇清楚合約條款，以免簽左「不平等條約」。



## 6 發明星夢，騙財又騙色

騙徒自稱模特兒公司代表，讚到你天上有地下無，叫你拍廣告做明星。但就叫你先報讀訓練班，參加美容療程或健身課程。最後你可能不獲安排工作，俾左錢亦被沒收。部份人更可能誤墮色情陷阱。



## 7 互聯網陷阱

以為坐係屋企做野就冇事？咁就錯晒！騙徒會聲稱招聘網上兼職，叫求職人士代購遊戲點數卡可以賺服務費或佣金，當你提供點數卡序號及密碼後，騙徒就將點數變賣亦失去聯絡。好多時騙徒會請學生係拍賣網道做「打手」俾like，咁樣除左有機會構成詐騙，隨時惹上官非之外，亦因為冇簽訂合約而對雙方都有保障。

